


Ogni
can
mena la
coa,
ogni
mona
dise la
soa.

Discursi da ostarìa

Dio
manda
el fredo
secondo
i pani

Cuotidiano che vien fuora ogni tanto, che scolta, conta e smentisse tuto

DIREZION, REDAZION, AMINISTRAZION, STANPARÌA, VÈNDIA, LUOGO DE NÁSSITA, MAGAZIN: TUTO DA PESSATI



EXPO 2015: L'OSTERIA PESSATI


Te può spiegar l'Expo solo se te lo ghe visto. Par vedare l'Expo a semo partii na domenega matina, el vintiuno de giugno, in diciannove co du pulmini da davati l'ostaria Pessati. Ghemo passà tuta la domenega tra el viajo, la sistemazion in albergo e on giro in centro a Milan, e podemo dire che: "Milan l'è on gran Milan". El di dopo, luni, semo 'nda all'Expo, e mi desso tento de spiegarve cossa ch'el xe. **L'Expo el xe grande:** de pì de quello che te te speti, no te riesci a vedarghe el cao, el te dà on senso de vertigine. **L'Expo el xe belo:** ga progetà i padiglioni i pì grandi architetti, xe rivà a sistemare l'ambiente i pì grandi scenografi e el risultato xe che a vedare ste robe te resti a boca verta. **L'Expo el xe el mondo:** no me xemai capità de vedare jente de così tante razze: te ghe l'impression che el mondo el sia piccolo e anche belo. **L'Expo el xe zovane:** ghe xe

on sterminio de tomati: so i padiglioni e che fa tuti i lauri, senpre entusiasti, contenti e bei: na botta de vita che fa ben. E dopo go visto el padiglione de l'Italia e so restà imagà a vedare el spettacolo de "l'albero de la vita" e go pensà: la xe na "genialata" avere imaginà on tema come l'alimentazione par na manifestazion del genere: in fondo la cultura de ogni paese la se esprime sol magnare; e bisogna proprio essare bravi par costruire na "giostra" grande come l'Expo e organizzare la visita de miliuni e miliuni de persone.

E dopo ca go pensà ste robe a so rivà alla conclusione che l'Expo xe **"Orgoglio Italia"**.

PS: ste riflession le xe par tuti quei che 'ndarà a vedare l'Expo a setembre.


de Silvano



Vita ?

Supe, la matina,
e a mezodi on panin;
la sera pastassuta e ovi.
El resto xe laoro
e sòno.
Ma no' senpre...

El mestro




Thomas Stocker

Anche el presidente OBAMA se alinea al programa de Thomas Stocker discusso all'Osteria Pessati



ALL'OSTERIA PESSATI, il 15 màjo scorso se gà rajonà sol pericolo che core el nostro mondo co l'aumentare de la temperatura. El signor Stocker el xe uno de i massimi esperti al mondo a riguardo de sto problema, el xe vegnù a spiegarne che par fermare l'aumento a solo du gradi, de la temperatura terestre, bisognaria doparare manco le machine e 'ndare de pì in treno, scaldare manco de inverno e rafredare manco de istà. Parchè se la temperatura aumenta de pì de du gradi i problemi saria pì seri.

_____de Cesco



"Chi non beve in compagnia ... A spasso per il Friuli"

Domenega 7 Giugno la compagnia fotgrafà quà soto, la xe 'ndà in Friuli a visitare le Cantine storiche del Castello di Spessa. La giornata, za caldota de soo, la se gà scaldà ancora de pì, prima sajando i vini del Castello e pì oncora a tola magnando. No solo par el vin che se bevea ma par el caldo che ghejera soto l'ombria dove che se magnava.. Gran bela giornata de compagnia, de vin bon e de ciacole in alegria.



SALUTI DA SOLESINO

Grandioso spettacolo sol brolo de l'Osteria Pessati

5 setembre 2015 ore 21,00

Na serata de "Avanspettacolo" so i vizi e virtù del nostro paese. Gli attori e i musicisti che se prestarà a sta importante esibizion i xe in parte professionisti e in parte zente tolta da la strada, come che fasea

el grande Vittorio de Sica.

Par l'ocasion sarà alestia na mostra de cartoline de Suisin so la sala "Multipolifunzionale Walter Barin" all'interno de l'Osteria.

Nutrire el Pianeta

Na volta magnavino polenta e bacalà parchè el costava poco. Adesso magnemo polenta e bacala parchè el costa tanto



Sabo 9 màjo ghe xe stà el grande debutto del nuovo duo **Davide e Marco**